

佛祖統紀卷第四十四

碣三

宋咸淳四明東湖沙門志磐撰

洪運通塞志十七之十一

真宗太宗第三子母元德皇后李氏

咸平元年御製三藏聖教序賜明教大師法

賢等今置先帝聖教序後沙門可升注序進

碣三

上○詔知制誥朱昂兼譯經潤文官○御製

崇釋論其略云奉乃十力佛有十力輔茲五常上

法之以愛民下遵之而遷善誠可以庇黎庶

而登仁壽也又曰釋氏戒律之書與周孔苟

孟迹異而道同大指勸人之善禁人之惡不

殺則仁矣不盜則廉矣不惑則信矣不妄則

永樂北藏

佛祖統紀

第二〇〇冊

正矣不醉則莊矣○中天竺沙門你尾捉等
朱朝進佛舍利梵經善提樹葉菩提子數珠
賜紫衣○西天竺沙門佛護來朝進梵經賜
紫衣○勅史館編修贊寧充右街僧錄
二年禮部侍郎陳恕言譯經院久費供億乞
罷之上以先朝盛典不許○勅史館編修贊
寧遷左街僧錄

三年八月試光祿卿天息災亡謚慧辯法師
勅有司具禮送終○慈照聰禪師見首住襄
州石門郡守以事答之暨歸首座問訊曰守
無故屈辱和上師以手指地曰教它平地起
骨堆即見隨指起一堆土守全家以病死默

四年五月試鴻臚卿法賢亡謚玄覺法師勅
送終如慧辯禮○史館修撰左右街僧錄贊
寧亡學士王禹偁序其文曰師年八十二視
聽不衰歷京師十四朝吳越四世終能受洪
紀綱用之福慶浮圖具瞻之地所謂必得其
壽必得其位者乎師所述內典錄百五十卷
外學集四十九卷覽其文知其道矣師嘗著
通論有駁董仲舒難王充斥類師古證蔡邕
非史通等禹偁見之大服其說作書與師曰
辰借通論日殆三復使聖人之道無傷於明
夷儒家者流不致於迷復自周秦以降作者

衆矣至於斥楊墨而尊姬孔不無其人如此
歷詆諸家不顯聖道者吾未之見也師胡爲
而來哉得非天祚素王而假手於我師者與
不然天下冠章甫而衣逢掖者豈遂無其人
也禮記孔子曰予少居魯衣逢掖之衣長居
宋冠章甫之冠達猶大也大決禪衣章甫
服冠宋衣袂孔于祖於宋也禪衣章甫
宋按音亦袂袂袂反袖也禪衣章甫
亦嘗從事於斯矣每欲厲墨兵而討百氏俾
于儒宮且取其小道亂常之甚者擊殺之俾
乎祖述憲章之道與天比崇然後知夫子之
尊也區區此懷爲日斯久今茲覩師通論之
作所謂時雨降矣日月出矣灑灌燭火復何
爲哉音子日月出矣燭火不熄燭火復何
爲哉音子日月出矣燭火不熄燭火復何

略三卷凡法門事始因革莫不畢錄蓋閣之士欲通練內外典故者皆於此觀之

述曰道法師序僧史略稱內翰王公無不釋氏過於韓子而獨於寧通慧推服之不暇蓋其學行才識有可取也今觀小畜集其修僧史則贈以七言撰聖賢錄則賀以五言歸葬錢唐則誌其墓所著內外集則冠以序而於通論之作贊之以書且盛稱其駁董難王斥類非史歷詆諸家自周秦已來未之見是知王公之於通慧不敢排以佛而獨有取於學識之高可謂能誠明矣至於通慧道德之盛則王公未學不足

以知非如梁敬之之知荆溪柳子厚之知重異也

六年知開封府陳恕言僧徒往西天取經者臣嘗召問皆罕習經業而質牀庸陋或往諸藩必招輕慢自今宜試經業察人材擇其可者令往詔可○二月詔隋智者禪師科教類

聖

次刊牘凡百五十四部賜名天台錄錄譯館謂繁開元東土集傳制曰可

三

景德元年日本國沙門寂照來進無量壽佛像金字法華經水晶數珠賜紫方袍○西天二藏法護來進佛舍利貝葉梵經賜紫衣束帛館于譯經院○北天沙門戒賢來進梵經

賜紫服。○七月亢旱，召西天梵僧於金明池水心立壇咒龍，有雲霧自池中出，須臾雨至。目後歲旱，必作咒法多驗。○東吳沙門道原進禪宗傳燈錄三十卷，詔翰林學士楊億裁之頒行。

二年三月，迦濕彌羅國沙門目羅失耨來進

梵經，善授樹繫。○七月，西天沙門達磨波來進梵經，賜紫服。○九月上，幸譯經院，三藏諸僧坐賜香茶繒絲有差。○上以諸寺住持先是僧職遷補，或非其才，至是召見便殿，閱試行禁。

三年，諸王府侍讀孫奭奏請減省修寺度僧

上曰：釋道二門有助世教，人或偏見，往往毀訾，假使僧道時有不檢安可即廢。○詔釋道歲度十人者，特放一人不試經業。○婺州沙門志蒙徐氏衣錦衣，喜食豬頭，言人灾祥無不驗，呼人為小舅，自誦曰：徐姊夫一日坐化于三衢吉祥寺，遺言吾是定光佛，至是奉真身祈禱，神應不歇。世目之豬頭和尚。四年，詔京城鬻酒肉者，並去寺觀百步之外，有以酒肉五辛酤市於僧道者，許人糾告，重論其罪。

述曰：真宗可謂仁聖之君矣。初踐阼，製聖教序，謂新編藏經為聖教也造崇釋論陳

初論罷譯經則不許孫興請減度僧則不聽而又能下詔鬻酒肉於僧道者論其罪意此穢業不當濟聖境也取後沙門覺稱自天竺來謂學士楊億曰入此國見屠殺豬羊市肆懸肉痛不忍觀天竺食肉五辛者驅出城故無貨者是知東華郡邑習於食肉故見之者無嫌心獨無媿於稱乎嘗曰同人楊權此事欲乞清朝推廣祖宗之法不令在城中殺畜不許懸肉街市只屠在城外僻處不通人處居住者用席爨竹器通覆入城投稅然後進街而賣庶幾人居消潔目不習見所以去殺氣以養仁心移惡習以趨善道豈不有益於國家之

政化者哉
初諸暨縣令潘華依晉賢轍法不令人捕江湖內魚是年十月奉詔還闕夜夢江湖中魚為人形者數萬號哭沸天皆云長者去矣吾眾不免烹炙華異之作夢魚記以囑後來宰邑者四明法智法師○臣寮言愚民無知佞佛過度謂捨財可以邀福修供可以滅罪蠹害國政宜加禁止上謂宰臣曰佛教使人遷善誠有其益安可禁之且佛法所至甚廣雖諸國皆知信奉唯道教中原有之然不甚威王旦對曰頃歲虜使登開寶塔瞻禮甚虔誓當成殺及至上清宮不復屈膝是知四夷

唯重佛而不敬道也上曰然

述曰道事天天事佛故為國者必兩存之而於尊卑小大之分較然久已自明恭惟真宗皇帝聖心虛融并包法界敬天命宗佛乘發於性真不俟為學既免梁武永棄道教之偏且無唐宗上躋老聃之失梁武天

年詔道者唐正觀十深距臣僚倭佛邀福之說肯顧陳思譯經費財之言上法祖宗

下垂成憲非天下之至聖其孰能之

詔遣使送金欄袈裟往惠州羅浮山中關寺奉釋迦瑞像仍為國建祈禱道場感五色祥禽集于齋所此像高八尺來自西天隋開皇

中釋慧喜安龍華寺會昌廢毀像靈不可壞道士藏於都盧觀咸通中海南節度使韋宙迎至中關寺

七月詔諸寺觀殿階上不許人民袒露坐卧違者以不敬論○宰相王旦率文武百官五上表請封禪十月在京民庶相繼上表詔許

之十一月車駕幸曲阜

兗州舊國地謁先聖廟有

司之儀肅揖上特再拜遂為定制加謚玄聖

文宣王祝文進名封其父叔梁紇為齊國公

母顏氏魯國夷人妻官氏鄆國夫人給十戶

奉塋城賜田百頃及御製讚封齊太公昭烈

武成王

述曰自古尊先聖者漢高祖過魯行祀封
其後平帝始封褒成公梁武始令天下建
廟北魏孝文改謚文宣公唐太宗用房元
齡議太學釋奠始尊為先聖而以顏子陪
享明皇始進師文宣王南面坐用王者宮
祿之樂皇朝真宗加謚至聖文宣而祝文
進名定儀特拜自古尊先聖莫若此日也
韓昌黎謂天下通得祀孔子自天子而下
北面拜跪祀事之盛未有如孔子者蓋孔
子以德雖不得位而得常祀見蒙州孔廟碑是
知自明皇尊以王禮故世世天子拜而祭
之今真宗特拜有合於古不知當時禮官

何為不知而定肅揖之儀耶哉

詔修飾泰山衆像凡三十二身御製重修佛
像記○鴈蕩山自古國譚未嘗言山頂有大
池相傳為鴈蕩下二潭為龍湫山南有芙蓉
峯下有芙蓉驛前臨大海案西竺書諸矩羅
尊者居震旦東南大海際山以鳥名村以華
名唐貫休有讚云鴈蕩經行雲漠漠龍湫宴
坐雨濛濛祥符中伐木者始見之自是著名
山在溫州樂清縣知縣十六任世澤漢○鴈
之一梵語震旦此云東方君子之國○鴈
山瑞鹿本先禪師結印坐已彌月肉體不變
常聞異香詔取所著竹林集藏之秘閣嗣
二年正月以封禪行慶詔天下寺觀各度一

人朝觀泰山陪位僧道各度弟子一人。詔
昇州崇勝寺賜名承天甘露戒壇。勅光梵
大師惟淨試光祿卿同預譯經。九月吳國
大長公主出家法名清裕賜歸報慈正覺大
師即太宗第七女幼不茹葷血上幸延聖寺
抱對佛願舍為尼至是乞落髮詔建資聖院
以居之勅釋門威儀總攝之類教坊樂部以
為迎導時密王女曹五女及後宮三十餘人
皆隨出家詔於是日普度天下童子十人度
一人。詔於洛陽甲馬營太祖誕聖之地建
應天寺以奉神御
三年詔京師太平興國寺立奉先甘露戒壇天

下諸路皆立戒壇凡七十二所京師慈孝寺
別立大乘戒壇

述曰案寧通慧僧史略云甘露以喻涅槃
戒為入涅槃之初門故提果以彰名也令
言別立大乘戒壇者謂先於諸方受聲聞
具足戒後至此地壇受菩薩戒以順開顯

之後末代出家棄戒俱急之義也

詔天下州郡應僧道有犯公罪者聽用贖法
勅品官無故毀辱僧尼口稱禿字者勒停見
任庶民流千里。詔知制誥李維出經論題
目考試沙門以為選補左右街之序左街相
國寺右街開寶寺。詔吉州西峯雲路禪師

館于北御園入定月餘求歸故山詔許之師母入定或經歲方出

○西天沙門衆德來朝進舍利梵經菩提印
○中天竺沙門覺慧成來朝進舍利梵夾金剛座真容菩提樹葉召見便殿尉勞甚厚館于譯經院稱進講聖頌詔惟淨譯之稱謂學

士楊億曰入比國見屠殺豬羊市肆懸肉痛不忍觀西竺食肉五辛者舉出城故無貨者心不欲久居此願至五臺禮文殊即還本土晉公丁謂問之曰數萬里遠來更何所為稱曰希欲檀宣律師塔耳及還詔賜金襴袈裟奉安金剛座及賜裝鍊茶果○四明知禮法

師初與沙門異聞於南湖保恩聚徒講道是年賜額延慶乃作誡誓辭二篇俾長為講貫天台宗教之所其言吾宗有五德者吾將授以居之後後之謀莫不咸然五德者一曰稽學天台勿事兼講二曰研精覃思遠於浮偽三曰戒德有聞正已待物四曰克遠榮譽不屈吾道五曰辭辯兼美敏於將導

四年三月上幸洛陽龍門山廣化寺瞻無畏三藏塔觀讀刻石置之塔所復幸白馬寺瞻摩騰三藏真身上謂近臣曰摩騰至今千年而全身不壞良可尊敬宜嚴諭寺僧用心守護自御製以褒之○詔賜黃金三千兩增修

永樂北藏

佛祖統紀

第二〇〇冊

峨眉山普賢寺設三萬僧齋歲度僧四人。詔連水軍守堅道者入見。令官女皆出焚香。每一女至前上給之曰。后也。師皆言非如是。數十人師忽起曰。陛下好養此人。它日必作家主。即章獻太后也。煚宗后劉氏仁宗即位后十一月初師乞歸山詔許之在山常紙衣閉戶不見人有置食庭前者人退自取之。五月般尼國沙門寂賢來進梵經菩提印賜紫服。十一月益州守臣李士衡進大慈寺沙門仁贊編修釋氏會要四十卷。五年二月詔嘉州峨眉山沙門茂貞入見。上賜以詩館于景德寺。舒王元偁夢青水童持

書以授中使足蹈黃雲隱隱而沒。王以問師。荅曰。將有儲嗣降孕之慶。未幾仁宗生。初樂史留守西京。夢天帝召謂曰。世主求嗣。吾為擇之。少選一人。至帝曰。中原求嗣。汝往勿辭。遂唯而去。旁侍者曰。此南岳赤腳李仙也。明年仁宗生。張師正日本國遣使稱貢言。國東有祥光見。舊傳中原天子聖明。則應此瑞。上喜。詔日本建寺賜額。神光勅詞臣為撰寺記。六年二月詔天下官吏試童行經業。方許剝度。五月開寶寺福勝塔有金色光見。相輪上又有聖僧遶塔。翌日得五色舍利。上親幸

敬觀見舍利于塔表大如月色同水晶往來飛動於鈴索之上士庶同瞻於地輒上獲舍利五千餘粒詔賜號靈感之塔時京師天清寺興慈塔亦有舍利見相輪上上曰像教素祥生民之福也○八月兵部侍郎譯經潤文官趙安仁奉詔編修大藏經錄成凡二十一

卷三

九

卷賜名大中祥符法寶錄仍賜御製序云自太平興國以來凡譯成經律論四百十三卷秘書監楊億光梵大師惟淨等編次又請以兩朝御製佛乘文集編入大藏下詔褒許○詔謚泗州僧伽大士普照明覺大師公私不得指斥其名○九月西天竺沙門知賢等來

進舍利梵經賜紫服○十一月舍利見于玉清昭慶宮聖祖明慶殿或以為道門無舍利事上謂宰臣王旦曰三教之設其旨一也大匠皆勸人為善唯識達之士能一貫之滯情偏執於道益遠

述曰法身舍利無平不在當大感通之際

雖頑空朽壤尚可得之何有開於道家之宮館哉惟我真宗敬天奉佛德動幽顯間者塔寺屢獲舍利而今復見之聖祖之殿誠所以彰聖君處事二教之心由精誠威格有以致之也

西天波羅柰沙門蒲賢進梵經無憂樹葉○

浮石崇矩法師四明人至京師上聞其名召入內殿講四十二章經盛談名理上心大說賜紫服金幣香藥

八年正月臣僚言每歲上元車駕詣寺觀三十餘處百拜已上望自今諸殿令近臣分拜上謂王旦曰朕祈福中外虔恭拜起未嘗懈怠卿等欲申裁減非朕之意國朝

述曰案歸田錄太祖入寺問贊寧通慧佛當拜否荅曰見在佛不拜過去佛寧於太宗朝隨吳越王初歸京師未嘗及見太祖歐陽氏所錄妄也今觀真宗百拜已上不欲分任近臣蓋習熟於祖宗之家法也其

後如徽宗拜佛牙南渡歷朝拜大士則知有國以來無不拜佛之理歐陽慢佛不欲人主致敬故特創此說見在過去無義之談所以以上誣君主下誣寧師也甚矣

詔於大內兩地建景靈宮以奉聖祖○勅汀州南安巖名均慶院賜太宗御書百二十軸

先是釋自誠居巖上神異不測云是定光佛化身見懷仁江有蛟害人書偈投潭中水擁沙漲塞潭為洲其怪遂絕過梅州黃楊峽民乏水飲誠以杖指溪移於近道每歲有旱書偈擲之風雨隨至其偈後每書贈以之中四字人世莫曉其旨○詔以太宗御製妙覺集

五卷付傳法院編入大藏

述曰道家者流其所學則道德陰符是爲治心修身之本至言內丹外丹火候口訣則不傳於非人其餘旁門如胎息之法草不之方皆上聖下教用度人世非可謂之虛無也若夫置壇傳錄起自天師是又上

天護國護人治鬼攝邪之法俱可以助教化於天下者是故此道列在國家與儒釋均爲三教者以此至於小大優劣內外之義則較然可知故闢澤對吳王曰道事天天事佛李士謙論三教曰儒五星也道月也佛日也能達此意則三教之位定世言

永樂北藏

佛祖統紀

儒道釋蓋本乎此儒生道士不別本末欲輕陵於釋氏皆未學之過若道流有輔成舊偽言老子化胡以佛爲侍者之言謗老子清世尊其咎當如何邪

南海注華國遣使來貢進天竺梵經其使言四十年以來海無風濤意中國有聖人出世

錫三

十一

九年二月北天竺優填曩國沙門天覺南天竺師子國沙門妙德西天竺迦蹉國沙門等來各進舍利梵經各賜紫服金幣○四月中天竺薩縛羅國沙門童壽來進梵經賜紫服○五月東天竺縛鄰捺國沙門普積來進梵經賜紫服

第二〇〇冊

述曰西土梵僧繩繩而來者多矣至於五竺沙門競集闡下則無若茲時之為盛豈法運之興隆亦帝德之威通也五竺國名校以西域記唯師子國可見餘不可考蓋今古事變猶昔漢唐而今為宋其實一區字耳

沙門繼全自西天還得佛舍利建塔于揚州
○西京龍門山石龕佛歲久廢壞上命沙門
栖演給工修飾凡一萬七千三百三十九算
○九月不雨詔泗州龜山沙門智悟入京止
開寶寺祈雨悟先在泗州祈雨有感曾斷一
臂至是又曰若七日得雨更舍一臂五日大

雨乃截一臂上遣使賜藥悟曰無害人見所
截臂無血甚異之泗守與郡人皆夢僧伽謂
之曰悟是五百羅漢中一來此救世
天禧元年四月詔曰金仙垂教實利含生貝
葉勝文當資傳譯苟師承之或異必邪正以
相參既失精詳寔成訛謬而況葦血之祀甚
瀆於真乘厭詛之辭尤乖於妙理其新譯頻
那夜迦經四卷不許入藏自今後似此經文
不得翻譯○七月詔賜台州東掖山智者教
文印本四千六百二十卷住山本如勸郡人
遵教藏閣以奉之○九月宰相王旦薨先一
日囑翰林學楊億曰吾深厭勞生願來世為僧

冥坐林間觀心為樂幸為我請大德施戒剃
須髮著三衣火葬勿以金寶置棺內億與諸
孤議曰公三公也歛贈公袞豈可加於僧體
但以三衣置柩中不藏寶玉野山○宰相王
欽若兼譯經潤文使○十一月詔天下州郡
復放生池無池之處沿江淮州郡近城上下

水五里並禁漁捕唐肅宗立放生池於德○
四明延慶禮法師結十僧修法華懺期三年
焚身供法祕書監楊億素仰道風貽書勸請
住世謂方當台教中興之時正賴傳持為世
良導復修書郡守李夷庚及天竺慈雲伴同
勸止既而駙馬李遵勗亦奉書交勸師以公

私意勤竟沮前志乃復結十僧修大悲懺法
三年以酬至願

二年勅江寧府州長干寺改賜天禧塔名聖

威即東土所藏阿育王舍利塔十九所之一

也塔在外

二年八月恭謝聖祖大赦天下節文云聖皇

妙道西竺真乘咸助化源敢忘崇奉應天下
僧尼道士女冠係帳童行並與普度尚書右
丞林特提舉祠部文牒是歲度僧二十三萬
百二十七人尼萬五千六百四十三人道士
七千八十一人女冠八十九人○詔於天安
敕建通場答謝天地大會沙門道士萬三千

八十六人上親以藥銀大錢面賜之藥銀即錢唐月輪山沙門道誠以朝廷厚恩普度撰釋氏要覽三卷為出家者象法之須知行於世。譚經三藏法護等請以御注四十二章經御注遺教經入藏頒行詔可。軍相王欽若出鎮錢唐率僚屬詣天竺靈山謁慈雲法師蓮式請講法華歎曰此道所未聞此人所未見也即為奏錫天竺舊名師奏請西湖為放生池每歲四月八日郡人會湖上縱魚鳥為主上祝壽。十一月東女真國入貢乞賜大藏經詔給與之。四年正月右街講經祕演等請以御製釋典

法音集命僧箋注凡三十卷乞附大藏詔可初是楊億提舉其事集中有六種震動之語一僧箋之將三百字暗碎不可觀億削去自注云地體本靜動必有變人服其簡。西天沙門普善來進梵經賜紫服。駙馬都尉李遵勗奏四明知禮法師高行遺身上嘉歎不已特賜法智之拂仍宣旨住世演教不許遺身時譚經院證義簡長等二十三人各寄聲詩贊黃道德詩凡四明教新錄。十二月翰林學士楊億卒億留心禪觀自屬疾即屏靈茹臨終之日為空門偈以見志識者知其有得佛氏之學

五年詔遣內侍俞源清往四明延慶齋法智法師領衆修法華懺爲國祈禱師爲述修懺要旨上之

於并州建資聖禪院爲將士戰亡者追福。門下侍郎平章事丁謂兼譯經潤文使翰林學士晁迥李維兼潤文官

述曰真廟之在御也並隆三教而敬佛重法過於先朝故其以天翰撰述則有聖教序崇釋論法音集注四十二章遺教二經皆深達於至理一歲度僧至二十三萬而僧衆有過者止從贖法上元幸諸寺禮像百拜弗辭復唐家天下放生池以廣好生

皆本於宿願而發於聖性非俟於勸也至於繼世譯經大開梵學五天三藏雲會帝廷而專用寶箴詞臣兼潤文之職其篇重譯事有若是者當時儒賢如王旦王欽若揚億晁迥輩皆能上贊聖謨共致平世君臣慶會允在茲時稽之前古未有比對

古未

是歲天下僧數三十九萬七千六百十五人尼六萬一千二百四十人乾興元年章懿太后封太皇太后遣使詣錢唐天竺請遵式法師爲國行懺師著金光明護國道場儀上之因奏天台教卷乞入大藏。龜茲國僧華嚴來進佛骨舍利梵經賜紫服

永樂北藏

佛祖統紀

第二〇〇冊

佛祖統紀卷第四十四

碣三

